

Avertüra cun success dal «Inscunter turissem Scuol»

In venderdi, ils 29 mai 2026, ha gnü lö i'l local da cultura dal Bogn Engiadina il prüm inscunter da rait «Inscunter turissem Scuol».



Avertüra cun success dal «Inscunter turissem Scuol»

In venderdi, ils 29 mai 2026, ha gnü lö i'l local da cultura dal Bogn Engiadina il prüm inscunter da rait «Inscunter turissem Scuol». Il post da coordinaziun turistica dal cumün da Scuol ha pudü salüdar a 27 rapreschantantas e rapreschantants da differents portaders da prestaziuns turisticas. Il böt da l'occurrenza d'eira da promover il barat a l'intern da la rait turistica e da discuter insembel ideas per sviluppar inavant la sporta turistica a Scuol.

Il cumanzamaint ha fat Martina Melcher, presidenta da la Pro Büvetta Tarasp, cun seis referat «Destinaziun da wellness daspö 1369», i'l qual ella ha muossà che importanza cha las funtanas d'aua minerala han gnü pel svilup turistic da l'Engiadina Bassa e che schanzas chi's muossan per l'avegnir.

In seguit sun gnüts approfondits in lavuratoris ils temas «Gurlaina Pumptrack / piazza da giovar» sco eir «Promoziun d'occurenzas i'l cumün da Scuol». Ils partecipants han contribui lur experienzas, bsögns ed ideas ed han discus insembel pass pel svilup pussibels.

Ils resuns regard l'inscunter sun stats tras oura positivs. Specialmaing predschat sun gnüts il barat avert e constructiv, la pussibilità da s'colliar cun oters sco eir la diversità da las perspectives rapreschantadas. Bliers partecipants han fat ressortir ch'els hajan resentì ils discurs a listess nivel sco eir l'occurrenza da far agens giavüschs e da s-chaffir novs contacts sco fich prezios.

Eir our dal punct da vista dal post da coordinaziun dal turissem es stat il prüm inscunter da rait ün success. Ils resultats muossan chi exista ün grond interess per ün barat regular e per üna colliaziun plü ferma tanter il differents acturs da la sporta turistica a Scuol. Al listess mumaint sun gnüts ramassadas intimaziuns preziosas

per occurrenzas futuras. Giavüschadas vegnan tanter oter amo daplù infuormaziuns davart progets curraints, üna comunicaziun a temp dals temas sco eir discussiuns approfondidas davart singuls accents.

Il post da coordinaziun turistica ingrazcha a tuot ils participants per lur ingaschamaint e s'allegra da cuntinuar cul dialog cumanzà. Üna prosma ediziun dal «Inscunter turissem Scuol» es fingià in planisaziun e dess avair l'ö probabelmaing al cumanzamaint da la stagiun d'inviern.

[ulteriuras comunicaziuns actualas](#)